


四庫全書考證

一六



貴州省圖書館
中文舊書



證考書全庫四
(六十)

J
17.8
1.87

輯纂等岳太王

四庫全書考證卷三十九

史部

十六國春秋

江南野史

三楚新錄

吳越備史

蜀構杙

南唐史

十國春秋

宋史全文

越史略

朝鮮史略

輜軒使者絕代語釋別國方言

四庫全書考證 卷三十九

四庫全書考證

卷三十九

御定月令輯要

三輔黃圖

潛熙三山志

十六國春秋舊題魏崔鴻撰

卷十一

後趙錄石勒得一刀銘曰石氏昌。隸書。刊本書下衍注一作隸書四字。今刪。

卷十三

俗以介子推五月五日燒死。世人為其忌。故不舉餉食。去年禁寒食。非也。刊本非也。二字訛在去字上。又
年下衍不字。並晉書載記改刪。

卷十五

北曰冰井臺。刊本冰井二字互倒。據水經注改。

卷十九

繼趙冉讖書炳然。且德星鎮魏。宜改國號曰魏。復姓冉氏。刊本上冉字訛李。上魏字訛衛。又下魏字下衍
注一作衛三字。氏字下衍注一作易姓李氏六字。案上文閱石虎之養孫。父瞻本姓冉。魏郡內黃人。故
閱建國為魏而復姓冉也。今並改刪。

卷二十三

前燕錄仍縱賊臣屢逼京輦。刊本臣訛庭。據音書改。

卷二十四

又遺謁者徐孟閻丘幸等。刊本脫丘字。今增。

卷四十二

前秦錄。韋遲母宋氏。其父躬自養之。刊本其父二字訛在養字下。據晉書改。

卷四十三

後燕錄。慕容垂好遊畋。嘗因獵墜馬。折前兩齒。更名爲默。外以慕郤默爲名。內實惡而改之。案齒字下。太平御覽引此書有慕容儁卽王位六字。蓋垂初名霸。其改名由於儁。所謂惡者。儁惡之也。刊本誤脫。

卷四十五

蝨口二十餘里。刊本口下衍注一作虎口四字。案上文張願進屯蝨口。下文遂戰於蝨口。則此注係沿別書之訛。今刪。

以高陽王隆爲都督幽平二州諸軍事。征北大將軍。幽州牧。建留臺於龍城。以隆錄留臺尙書事。刊本收。下衍農字。案此時官制出自慕容垂。遼西王農前在龍城。此時已召還爲侍中司隸校尉。無自建官之理。今據晉紀刪。又魏陳留公拓跋虔使於垂。刊本跋下衍元字。案魏姓初爲拓跋。後乃改爲元。無兩姓重書之理。魏書署陳留公元虔。元是姓非名。其稱復姓者。則修史者追書之詞。觀魏書標目止稱陳留王虔可見。此書直以元虔爲名。冠以拓跋字。非今刪。

卷四十六

慕容寶永康元年十一月庚子朔。刊本庚訛早。案下文有戊午己未日。則月朔不應有甲子。今據魏書改。

卷四十七

遣李旱張真襲誅之。刊本旱訛汗。據晉紀改。

卷四十九

封武興公馮萬泥爲尙書令。案興晉紀及太平御覽俱作邑。

卷五十一

又爲苻后起承華殿。高承光一倍。刊本倍訛部。據晉書改。

卷五十二

屈遵傳。爲慕容永尙書僕射武垣公。刊本垣訛桓。據魏書改。

張蒲傳。河內修武人也。刊本修訛蓀。案蓀乃河間郡縣。非河內地。據魏書改。

卷五十六

後秦錄。姚興弘始四年。魏因截水中興。內外隔絕。士卒喪氣。刊本截水中興訛絕其水中。據魏書改。

秋霜隕籜。豈待勁風之威。刊本霜訛風。據晉書改。

卷七十六

蜀錄南夷校尉李毅亦遣叟兵五千助尙。刊本叟訛侵。案後漢書劉焉傳。馬騰與範謀誅李傕。焉遣叟兵五千助之。注。漢世謂蜀爲叟。今據改。

卷八十五

西秦錄。其先有如弗斯。引出連叱盧三部。案如弗斯。引晉載記作如弗斯。魏書作如弗。又號之曰乞伏。可汗。託譯莫何。案譯晉書作鐸。

卷八十九

南涼錄。嘉平七年。遣平遠乞伏健虔帥騎五千追傳檀。刊本撻訛捷。據晉書改。

卷九十一

西涼錄。影絕千邑。閭而無烟。刊本閭訛間。今改。

卷九十四

北涼錄。衆星拱極之道。刊本極訛端。又又命王建國。署將相。刊本脫王字。並據晉書及魏書改增。

卷九十五

永和七年。賜茂虔死。茂虔與公主訣。刊本脫死茂虔三字。據魏書增。

卷一百

北燕錄。孫護傳。有犬與豕交。護見而惡之。刊本脫之字。據晉書增。

江南野史 宋龍衮撰

卷一

先主條。父榮。結交豪傑。以任俠爲事。時羣盜蜂起。朱梁統制天下。而楊行密專據淮夷。榮欲圖興復。聞賊夏詔之衆甚盛。往而說詔。詔感其言。從之。遂率衆自海入淮。掠沿岸郡邑。行密帥師攻之。數敗。乃爲所擒。因捕其家。盡誅之。案陸游馬令南唐書並稱榮性謹厚。喜從浮屠遊。時號李道者。不載求附夏詔爲楊行密所誅之事。與此異。又時先主方數歲。且異常兒。濠上一桑門與行密有故。乞收養以爲徒弟。後行密部下大將徐溫出師濠上。見先主方類豐頤。乃攜歸爲己子。案南唐書先主流寓淮泗。楊行密奇其貌。養以爲子。後因行密長子不容。遂收養於徐媪。亦不載桑門乞養事。與此異。

卷四

宋齊丘條。先主欲致之重位。然爲溫所忌。遂署爲府中從事。案府中從事。南唐書作殿直軍判官。

卷五

孫忌條。少家貧。力學。能屬文。朱梁主舉進士。案朱梁主舉進士。南唐書作忌少爲道士。

卷六

沈彬條。因獻觀畫山水圖詩云。須知手筆安排定。不怕山河整頓難。案須知二句。南唐書作尺素隱清輝。

一毫分險阻。與此異。

卷七

孫魴條。夜坐旬云。劃多灰漸冷。坐久席生痕。案南唐書作劃多灰。雜蒼蚪跡。坐久烟銷寶鴨香。又題金山寺。過槽坊僧定。原本定訛夢。據南唐書改。

卷十

朱令斌條。趨捷善射。鷹目。原本趨訛拳。鷹訛河。並據南唐書改。

三楚新錄 宋周羽翀撰

卷三

高氏諱季興條。皆攀援賓友。負土助焉。原本攀援訛將拔。又未嘗不厚加金帛。購求焉。原本加訛無求。訛宋。又致書及數萬卷。原本致訛敗。今並改。

吳越備史 宋錢儼撰

卷一

宋天啓三年。高駢爲其下。畢師鐸所幽。原本師訛施。據通鑑改。

蜀檣杙 宋張唐英撰

卷上

王建天漢元年封張飛爲靈應王。鄧艾爲彰順王。刊本彰訛彭。據說鄂改。

卷下

孟昶廣政十二年八月昶游浣花溪。刊本脫溪字。又都人士女傾城游玩。刊本脫士字。今並增。

南唐書 宋陸游撰

卷一

烈祖昇元元年追尊考溫爲太祖武皇帝。案考五代史作徐。太祖二字作忠字。與此異。

卷二

元宗保大十二年大饑疫。命州縣鬻粥食餓者。原本鬻訛鬻。今改。

卷五

查文徽傳。盧絳據宣州。傳檄至建元。原本缺宣州二字。據本書盧絳傳補。

卷六

刁彥能傳彥能行酒以爪語烈祖烈祖悟亟起去案五代史作酒至昇以手爪搯之八字與此異。

卷十三

劉仁贍傳父金事吳武王有戰功至濠州團練使案濠州團練使五代史作濠滌二州刺史與此異。

十國春秋檢討吳任臣撰

卷一

吳太祖世家俟守者易代潛登城啓關守者竟不鬪而潰刊本鬪訛聞據通鑑改。

乾寧四年瑾與裨將侯瓚將五千騎潛度淮水刊本瓚訛瓚據唐書及通鑑改。

天復二年天子在鳳翔注爲韓全誨等所劫刊本脫誨字據唐書增。又馮公遠求堅木故其船堪久用。

刊本遠訛還據通鑑改。

卷二

烈祖世家授渥淮南節度使東南諸道行營都統刊本南訛道據通鑑改。

高祖世家以亳州團練使寇彥卿爲東面行營都指揮使刊本卿訛諫據通鑑改。

天祐六年禽全諷及將士五千人注且云兵事神速刊本速訛連據鈞礮立談改。

十三年以行軍副使徐知訓充淮北行營都招討使刊本復衍軍字據通鑑刪。

武義元年。建宗廟社稷。設百官。刊本官訛宮。據路振九國志改。

卷三

睿帝本紀。乾貞元年。東海王徐溫卒。注。五國故事云。刊本事訛國。今改。
太和三年。重建靈寶院。注。其號爲紫陽觀。刊本爲訛焉。今改。

卷五

陶雅傳。世咸服其有應變之略。注。雅典黟川二十餘年。刊本黟訛黔。據九國志改。

臺濠傳。穎兵踰濠而鬪。刊本濠訛濠。據九國志改。

李遇傳。合肥人也。刊本缺合肥二字。據九國志補。又溫復遣典客何夔論。遇使自歸。案典客。五代史作

客將。

卷七

劉信傳。且授信子彥英兵三千。刊本彥英二字互倒。據九國志改。

王茂章傳。更其名曰景仁。已而領寧國軍節度使。刊本脫軍字。據五代史增。

米志誠傳。問瑾所在。刊本在訛向。據五代史改。

卷十一

殷文圭傳。草司空李德誠麻。注。曾草臨川上相麻。刊本川訛淮。相訛將。並據南唐近事改。

卷十三

田頽傳。遂敗壇兵于吉陽磯。刊本脫磯字。據通鑑及唐書增。又志誠之弓十不當瑾槩之一。刊本脫十字。據五代史增。又以此外軍畏之。案外五代史作吳。

卷十五

南唐烈祖本紀。時江淮初定。州縣吏務賦斂爲戰守。案吏下。五代史有多武夫三字。具元七年。性節儉。注喚爲金奴。刊本脫奴字。據清異錄增。

卷十六

元宗本紀。保大十四年。周將李穀敗我兵千人于上窰。注吾軍却。唐兵必追之。刊本却訛卽。據五代史改。

卷十七

後主本紀。後主常造念家山破。刊本家訛江。據南史書改。

卷十九

從謙傳。雅善書法。注用宣城諸葛筆。刊本脫諸字。據南唐拾遺記增。

卷二十

宋齊丘傳。字子嵩。注初字超回。刊本超訛昭。據南唐書改。

卷二十一

李建勳傳。出爲昭武軍節度使。莫作尋常刺史看。刊本尋常訛循州。據五代詩話改。
張廷翰傳。論彥能脫永陵子險。刊本脫訛托。今改。

卷二十二

邊鎬傳。及克湘潭。市不改肆。刊本市訛示。據南唐書改。

卷二十五

張義方傳。常令道士陳友合丹于牛頭山。注有巨虺火吻錦鱗。蜿蜒其間。刊本蜿蜒訛蛇。據南唐近事改。

卷二十六

陳覺傳。用宋齊丘薦。命覺爲之佐。刊本脫齊字。又御史王仲璉主其言。刊本璉訛連。又相倡和如出一口。刊本脫如字。並據南唐書增改。

馮延巳傳。嘗謂孫晟曰。刊本謂訛謂。據南唐書改。

卷二十七

孫晟傳。齊王景達排之。刊本達訛遂。又會周將張永德與李重進不相能。刊本脫重字。並據南唐書改增。

劉仁贍傳。仁贍素善射。刊本素訛數。據南唐書改。

卷二十八

韓熙載傳衣冠常製新格注熙載在江南造輕紗帽刊本輕訛經據清異錄改

徐鉉傳宋師圍金陵後主遣鉉求緩兵刊本緩訛援據南唐書及宋史改

高越傳保大初文進卒有欲傾其家者越上書訟之刊本訟訛頌據南唐書改

卷二十九

毛炳傳彭生說賦茶三片毛氏傳經酒半升刊本片訛斤據南唐書改

卷三十

郭廷謂傳使汝主自守豈能固哉刊本固訛國據南唐書改

盧絳傳聞其受刑之地即固子坡云刊本坡訛城據南唐書改

張洎傳因出帛書示之刊本帛訛常據南唐書改 又太宗時累遷禮戶二部郎中注亢龍无悔實非臣

子所宜言刊本宜訛而 又居亢无悔即本此亢龍无悔之語刊本此訛无並據宋史改

卷三十一

洪慶元傳國亡歸宋為寃句令刊本寃訛寬據宋史改

卷三十二

孟感化傳感化以詞札上注碧山深洞恣遊邀刊本恣訛忍據詩話類編改

彭利用傳實可痛心疾首刊本實訛責據南唐書改

卷三十五

前蜀高祖本紀薦樞密使楊復恭代為觀軍容使刊本恭訛光據五代史及蜀構机改。又欲以蜀州來附敬瑄殺之刊本瑄訛真。又使攻東川解彭州之圍刊本州訛城並據通鑑改。

卷三十六

武成元年詔重建百神廟於梓潼縣刊本潼訛權據唐書地理志改。

永平二年合數鎮之驍雄鼓六師之威勢刊本驍訛妖今改。

五年震蒙氏女竊黃帝玄珠沉江而死刊本珠訛殊據蜀構机改。

卷三十七

後主本紀命西面招討副使王宗昱殺唐文裔于秦州刊本宗訛全據五代史改。

咸康元年薄暮觀聖燈賦詩而還注泉漱雲根月刊本漱訛嫩。又渾疑證六通刊本證訛澄。又細雨

濕不暗刊本濕訛漑並據全蜀藝文志改。

卷三十八

元膺傳大昌軍使徐瑤常謙素為元膺所親信刊本使訛師據後卷列傳改。

卷三十九

王宗侑傳及皇子宗懿等稍長刊本宗訛元據九國志改。

卷四十

周庠傳。墨詔之中。淚痕猶在。刊本痕訛浪。今改。

張勳。刊本勳訛劼。據五代史改。

卷四十二

劉隱辭傳。遂詠白鹽山灑漚堆詩。刺之。有樹只知引烏雀。刊本引訛因。據五代詩話改。

卷四十三

蒲禹卿傳。後東主遊禹卿上表。注。如論萬乘之居。便是三清之境。刊本居訛君。今改。

卷四十四

鄭藝傳。武德軍節度使趙國公徐延瓊碑銘。注。將亂也。其政必暴。刊本暴訛恭。今改。

總論。趙蕤素以節操見。而著作鬱然。故未可沒。刊本脫未字。今增。

卷四十六

宋光嗣傳。光天中。轉宣徽南院使。刊本光天二字脫五。據五代史改。

卷四十七

僧貫休傳。重集許氏說文。刊本氏訛文。今改。

卷四十八

後蜀高祖本紀。李良請以東川兵先取遂闓。刊本脫兵字。據通鑑增。

卷四十九

後主本紀。廣政二年。引錦溪州蠻焚掠辰澧。刊本錦溪訛獎錦。據楚世家改。
十四年。通奏使高延昭固辭知樞密院。刊本脫密字。據通鑑增。
二十八年。已而賜宴于大明殿。刊本闕明字。據宋史補。

卷五十一

趙季良傳。唐徙季良果州團練使。刊本使訛史。今改。

卷五十二

李昊傳。後主悉召昊四孫授太子司儀郎舍人。刊本司訛鳳。又脫人字。並據宋史改增。

卷五十三

毋守素傳。出爲雲安權鹽使。刊本鹽訛監。據宋史改。

李匡遠傳。年八十二卒。注。歷昌。渝。文。眉。四州刺史。刊本州訛刈。據九國志改。

韋叡傳。唐相貽範子也。刊本闕貽字。據唐書補。

侯益傳。遷武寧軍節度使。刊本脫寧字。據宋史增。

卷五十五

李稠傳。仕高祖後主爲左衛將軍。刊本闕左衛將軍四字。據宋史補。

卷五十八

南漢高祖本紀。大有十二年秋七月庚子朔。日有食之。刊本日有二字互倒。今改。

卷五十九

中宗本紀。乾和四年。陳道庠伏誅。刊本陳訛劉。據五代史改。

卷六十

後主本紀。大寶十三年。江南國主乃遣給事中龔慎儀持書遣帝。注。足下非有不得已之事。刊本脫不字。

據宋史增。又頃者大朝南伐。圖復楚疆。刊本圖訛因。又彼此烏合。民無定心。刊本民訛我。並據東

都事略改。

卷六十四

鍾允章傳。允章迎叱查眞。刊本眞訛章。據五代史改。

卷六十七

楚武穆王世家。天成二年。道過江陵。南平王季興執光憲而奪其物。案南平王季興。五代史作荆南高季

昌。

卷七十

周保權傳。居人奔竄山谷。刊本山訛出。今改。

卷七十一

廢王夫人某氏傳。大破朗兵于僕射洲。刊本洲訛河。據五代史改。

卷七十三

何仲舉傳。輸稅不及限。刊本輸訛輸。今改。

卷七十四

鄧懿文傳。爲恭孝王所殺。刊本複衍恭字。今刪。

卷七十七

吳越武肅王世家。廣明元年。新築羅城。注。適足以自榮。刊本榮訛策。據文苑英華改。又昌素愚不能決

事。刊本素訛數。今改。

光化三年。王建鎮海軍院使。非鑄刻樂石。其可久乎。刊本樂訛礫。據文苑英華改。

天祐二年。仍列賓僚將校功臣名氏于碑陰。刊本校下衍賜字。今刪。

卷八十一

忠懿王世家。乾祐二年。募民能墾荒田者。勿取其稅。注。此可知穀賤之由。刊本賤訛賦。今改。

卷八十八

開寶九年。宋帝宴餞于講武殿。刊本脫武字。據宋史增。

太平興國三年。嘗武庫戢兵洞閱詩書之府。刊本戢訛職。據宋史改。

卷八十三

惟濟傳。第聲言被盜。刊本聲訛奪。據宋史改。

卷八十四

羅隱傳。詩文及諛語常涉刺譏。注其事遂寢。刊本其訛兵。據五代詩話改。

卷八十八

毛勝傳。至于七孔賦形。治目爲最。宜授懷奇令史。刊本奇訛寄。又羅幼文。刊本羅訛維。又南海詹事。

屯江小尉。宜授追風使。刊本脫使字。並據清異錄改增。

卷九十一

閩康宗本紀。通文四年。賜予給賞獨厚于拱宸控鶴二都。刊本拱訛振。據五代史改。

卷九十二

景宗本紀。名臆。刊本臆訛義。據五代史及通鑑改。又延義謂康宗使收之。刊本康訛景。據五國故事。

改。

卷九十三

陳洪進傳。留汴京奉朝請。刊本脫朝字。據宋史增。

卷九十四

繼崇傳。士卒以使君賞罰不當。刊本君訛軍。今改。

卷九十五

徐寅傳。又有賦五卷。注。磨霜彌雪。兮熒煌錯落。刊本雪訛雲。據賦彙改。

翁承贊傳。黃滔爲詩榮之。注。建水閩山無故事。刊本山訛水。據全唐詩改。

卷九十七

詹敦仁傳。梁復踵其非。刊本其訛已。據五代詩話改。

卷九十八

薛文傑傳。惠宗遣弟延宗救之。刊本宗訛政。救訛殺。據前卷惠宗本紀改。

卷一百五

北漢英武帝本紀。天會十三年。帝命決城下水。注之臺駘驛。刊本驛訛澤。據五代史改。

卷一百十二

十國地理表。南漢辨州。注。朱全忠以辨汴聲近。更名勳州。刊本忠訛州。據五代史改。

宋史全文 宋李燾編

卷一

太祖丙寅乾德四年注南漢天寶九年北漢天會十一年刊本九訛十一訛二並據前後編年改。

卷二

殿前散員都虞侯注環州刺史董遵誨刊本遵誨訛勃海據宋史改。

上自卽位數出徼行條彼彈丸黑子之地刊本丸訛圓據通鑑改。

卷三

太宗太平興國二年九月上御講武殿條得渤海胡旦以下七十四人刊本下訛得今改。

卷五

契丹抵瀛州城下條瓊隨入立庭下刊本入立二字互倒據通鑑改。

是月徙敏中知河南府條嫗歎之曰彼婦人者刊本彼訛役據通鑑改。

卷十三下

哲宗壬戌詔監察御史長安民條其實皆借此名以報復私怨刊本借訛惜據宋史改。

卷十四

范純仁卒。純仁性夷易寬簡。刊本脫簡字。據通鑑增。
甲辰。魏漢津言禹以聲爲律。刊本律訛津。據宋史改。

越史略 不著撰人名氏

卷上

術陽王條。鬱林、合浦、交趾、九真、日南。原本林下衍桂州二字。又趾訛州。並據史記、漢書刪改。

朝鮮史略 不著撰人名氏

卷一

箕子條。燕乃攻其西滿。潘汗爲界。原本燕訛然。據史記改。又案滿、潘汗。漢書地理志作番汗。屬遼東郡。
東扶餘王金蛙條。行至掩澗水。原本掩澗訛淹澗。據漢書改。

卷二

新羅紀。新羅遣使如隋條。造浮橋以渡大兵。原本渡下衍麗兵二字。今刪。
新羅王遣伊餐金春秋及其子文汪案餐。唐書作贊。文汪作文正。並與此異。

卷三

聖德王條。後改諱興光。原本光訛先。據唐書改。
景德王條。諱憲英。原本英訛宗。據唐書改。

卷六

高麗紀。肅宗明孝王諱顯。案顯。宋史。遼史。並作顯。與此異。

卷八

康宗元孝王二十年。金哀宗天興二年。原本哀訛太。據金史改。
元宗順孝王七年條。王命宋君斐。原本斐訛裴。據元史改。

輶軒使者絕代語釋別國方言。漢揚雄撰。晉郭璞注。

卷一

虔儼慧也。趙魏之間謂之黠。或謂之鬼。注言鬼獻也。刊本獻訛眈。據後卷改。
輿。刊本訛撫。據爾雅改。又舊書雅記。注雅爾雅也。刊本爾雅訛小雅。據下文改。
凡怒而噎噫。謂之脅閱。注脅閱猶瀾沫也。刊本瀾沫訛閱穀。據後卷改。
南楚江湖之間。謂之欺。刊本欺訛欺。據說文及廣雅改。
東齊海岱之間。曰亟。注欺革反。刊本訛詐欺也。據廣雅音釋改。

凡物盛多謂之寇。注俗謂之寇。刊本冕說也。據陸佃稗雅所引改。又周鄭之間謂之假。刊本假說暇。

據爾雅改。又于通語也。刊本語訛詞。據前後文改。

抵傲會也。刊本抵訛。據廣雅改。又注觸抵。刊本抵下衍也。字據後卷抵音觸抵刪。

陳楚間謂之摸。刊本摸訛模。據永樂大典本改。

凡取物而逆謂之篡。刊本篡訛篡。據爾雅說文及後漢書注改。

卷二

秦有榛娥之臺。刊本脫秦有二字。據永樂大典本增。

顛鑠肝揚鑿雙也。刊本雙訛雙。據廣雅玉篇及廣韻改。

嫫。刊本訛魏。據說文及廣雅改。又凡細而有容謂之嫫。或曰徒。注言徒徒也。刊本徒徒訛徒。據說文改。

改。

寄食爲餽。注餽其口于四方。刊本其訛予。據左傳改。

馮斲苛怒也。刊本斲訛馱。據說文廣雅及玉篇廣韻改。

鑄琢也。刊本琢訛琢。據說文改。

朝鮮列水之間曰葉輪。刊本輪訛輪。據玉篇改。

卷三

斟協汁也。注或曰藩汁。所未能詳。刊本藩訛潘。據釋名改。

南楚江湖之間。謂之莽。刊本莽訛芥。又注嫫毋反。刊本脫反字。今並改增。

覆芟鷄頭也。刊本覆訛菝。據廣雅及玉篇改。

凡草木刺人。北野朝鮮之間。謂之策。刊本策訛策。據爾雅及廣雅改。

詐通語也。刊本語訛詐。據永樂大典本改。

謹罪也。刊本謹訛諱。據廣雅改。

裊就也。刊本裊訛裊。據說文及玉篇廣韻改。

撲翕葉聚也。注撲屬葉相著貌。刊本撲訛葉。據永樂大典本改。

卷四

其短者謂之短綸。刊本短訛短。據漢書注改。

自關而西。或謂之祇關。注亦呼爲掩汗也。刊本汗訛汀。據永樂大典本改。

襦西南蜀漢謂之曲領。刊本蜀訛屬。據後卷改。

約纒謂之禪。刊本禪訛禪。據玉篇改。

袒飾謂之直衿。刊本衿訛衿。據釋名廣雅及玉篇改。

繫裕謂之褊。注卽小兒次衣也。刊本次訛次。據說文及玉篇改。

小袴謂之被衿。刊本衿訛。據玉篇及急就篇改。
其偏者謂之鬢帶。刊本偏訛。遍據下注改。

西南梁益之間。或謂之屨。刊本屨訛。屨據廣雅及玉篇改。又徐土邳圻之間。注。今下邳也。圻音祁。刊本

下字訛在圻字下。據永樂大典本改。

卷五

甌自關而東謂之甌。或謂之鬻。注。音岑。涼州呼錡。刊本涼訛。梁據爾雅注及廣韻改。

盃謂之孟。或謂之銑。銳。注。音謠。刊本音訛。語據後卷改。

海岱之間謂之儋。注。所謂家無儋石之儲者也。刊本儲訛。餘據音書改。

關西謂之繻。刊本繻下衍縵字。據易左傳釋文改。

飢。刊本訛。飲案飢古飼字。據玉篇改。

杷。刊本訛。杷案永樂大典作杷。與廣韻合。今據改。

齊楚江淮之間謂之袂。注。音悵。悵亦音車鞅。刊本亦音丁。衍爲字。據永樂大典本刪。

槌。注。縣蠶薄柱也。刊本縣訛。絲據玉篇及廣韻改。

東齊海岱之間謂之樺。刊本樺訛。樺又注音。訛刊本訛訛先。並據玉篇廣韻及初學記所引改。

卷六

雙之甚者。秦晉之間謂之矚。注。外傳雙贖司火。刊本脫司火二字。又其言矚者。若秦晉中土謂墮耳者。明也。刊本明訛明。並據永樂大典本增改。

凡物細大不純者謂之倭。注。言俄倭也。刊本脫俄字。據永樂大典本增。瘞。注。瘞埋。刊本訛埋也。據音注例改。

措揜錯摩藏也。刊本藏訛滅。據廣雅及玉篇改。佚媧媧也。刊本媧訛惕。媧訛緩。並據廣雅改。

卷七

燕趙之郊。縣物於臺之上謂之佻。注。佻。縣物貌。刊本脫貌字。據永樂大典本增。

卷八

鶉鴟。刊本鶉訛鴟。據廣雅改。

卷九

秦晉之間謂之鈇。或謂之鎖。注。音寅。刊本脫音寅二字。據永樂大典本增。

卷十一

比燕朝鮮冽水之間謂之蟪螽。注。齊人又呼社公。亦言罔工。刊本罔工訛周公。據廣雅及爾雅改。

卷十二

追末隨也。刊本末訛未。據廣雅改。

卷十三

窳空也。刊本窳訛凍。據爾雅改。又注窳窳空貌。刊本窳窳訛凍窳。據說文改。

御定月令輯要

卷一

歲令天道門。緒風注。欵秋冬之緒風。刊本欵訛欵。據楚辭改。

十二支注。淮南子天文訓注。刊本注訛志。今改。

六甲星注。在華蓋之下。杠星之旁。刊本杠訛扛。據漢書天文志改。

溫柔剛寒注。劉晝新論。刊本晝訛總。據讀書附志。書錄解題及百子類函改。

花信風注。立春之一候。任春案羣芳譜。花類無名任春者。以花月令及本草綱目考之。此任春係迎春之

訛。明刻蠹海集並作任春。誤。

政典門。藏冰出冰注。其藏之也。周其用之也。徧刊本周訛固。用訛出。據左傳改。

定太陽出沒法注。正九出乙入庚方。刊本乙訛月。今改。

民用門。農夫寒暑注。梓草耜土手足胼胝。刊本草訛莫。案漢書貢禹傳草作屮。注云古草字。今據改。

牢九案初學記等書引盧諶祭法及束皙餅賦俱作牢九。酉陽雜俎食品亦云。籠上牢九。陽中牢九。自歐陽修歸田錄誤爲牢九。而蘇軾遊博羅香積寺詩。陸游食包子詩。因之。陰時夫韻府并收入上聲。傳訛已久。勢難盡改。今存其說於此。

荔枝注。白如肪。甘而多汁。刊本肪訛防。據南方草木狀改。

山楂注。閩人取熟者去皮核。搗和糖蜜作爲糕。刊本脫閩字。今補。

青蒿注。秋後開細淡黃花。刊本開訛高。據圖經本草改。

楮樹注。一種皮有斑花文。謂之斑穀。刊本脫穀字。據圖經本草增。

卷二

物候門。芸薇菜注。秋菓冬馥。刊本馥訛薇。據拾遺記改。

蟹異名注。秋冬之交。稻梁已足。各腹芒走。刊本脫各走二字。據蟹譜增。

卷三

每月令政典門。諸侯月祭注。曰皇考廟。刊本脫廟字。今增。

雜紀門。路神通注。成式門下。騶路神通。能戴石六百斤。齧破石栗數十。刊本栗訛粟。據酉陽雜俎改。
給山水香注。道士譚紫霄有異術。閩王昶月給山水香焚之。刊本霄訛青。據清異錄改。

卷四

春令民用門。酒名春。注。近世裴鏘作傳奇記裴航事。亦有酒名松醪春。刊本奇訛青。今改。

卷五

正月令日次門。初一日。祠后土。注。桃花萬騎喧長薄。蘭葉千旗照平浦。刊本蘭訛浦。據王勃集改。
政典門。入學習舞。注。籥師掌教國子舞羽。飲籥。刊本飲籥訛飲舞。據周禮春官改。

卷六

二月令日次門。十三日。禮部選士。注。玉海開元二十四年二月十三日。移貢舉於禮部。以侍郎主之。禮部選士自此始。案玉海引此事。在是年三月十二日。與通鑑系之三月壬辰者合。是書卷七內三月十二日亦引玉海此段。而此處云二月十三日。誤。又案唐書選舉志不標月日。

物候門。桐花鳳。注。二月桃花始開。是鳥翺翔其間。案此條以薛道衡杜甫李商隱各詩及李德裕畫桐花鳳扇賦序證之。桃花當為桐花之訛。

卷七

三月令節序門。病月。注。病。孚柄切。刊本柄記柏。據經典釋文改。

物候門。紫銚樹。刊本銚訛銚。案續證類本草。紫銚乃麒麟竭樹枝間蟲所結。如白蠟。今人用以造胭脂。亦引酉陽雜俎為說。今據改。

卷九

四月令日次門。初四日五臺慶雲注。唐憲宗元和十五年四月四日。裴度奏五臺山佛光寺慶雲現。刊本

憲宗訛穆宗。據唐書改。

民用門。桑椹酒注。四民月令。刊本民訛時。今改。

鱗魚注。每四月鱗魚出後即出。刊本鱗訛鱗。據本艸綱目改。

卷十

六月令日次門。十三日魏徵諫錄注。贊事德宗。仁義爲空言。徵事太宗。仁義爲實效。故程大昌請以此接續觀覽。刊本脫贊字。據玉海增。

卷十三

秋令天道門。太白注。張衡週天大象賦。案此賦。今本題黃冠子李播撰。宋館閣書目題張衡撰。考張衡著靈憲。未嘗賦週天大象。李播即淳風之父。仕隋。後爲道士。賦末所以有少微養寂。卷舌幽居之語。又賦中有殷馮識曹操事。其非出漢張衡可知。但宋趙希弁讀書附志信爲張衡撰。姑仍其舊。

卷十四

七月令天道門。流火注。敬括詩。前庭一葉下。言念忽悲秋。刊本庭訛逢。據全唐詩改。

卷十六

九月令日次門。初九日桑落酒注。即炊米九斗爲饋。刊本饋訛饋。據齊民要術改。下並改。

雜紀門赤爵銜書注。史記周本紀有聖瑞注。刊本注訛疏。今改。

卷十八

十月令日次門。初四日進御筆注。三省進神宗御筆一百七十五策。刊本脫一百二字。據玉海增。

卷十九

十一月令節序門。坎音注。壘坎音也。壘之爲言。勳陽氣於黃泉之下。勳蒸而萌。刊本勳蒸訛默蒸。據白虎通改。

民用門。瑰蓐注。蓐菜十一月萌在泥中。蠹短名瑰蓐。案瑰齊民要術作環。詩疏廣要作塊。並與此異。然揆其義。塊字爲長。

卷二十

十二月令政典門。制陣法注。每歲季冬。折衝都尉率五校之屬以教其軍陣。刊本校訛教。據唐書改。立石九經注。字樣四十九卷。案金石文字記引會要作字樣四十卷。今考張參五經文字三卷。唐玄度九經字樣一卷。宜作四卷爲是。云四十卷及四十九卷者。並誤。雜紀門。謝良輔憶長安十二時詞。刊本脫詞字。今增。

卷二十二

晝夜令政典門。奉璽程注。奉璽書使者乘馳傳。晝夜行千里爲程。刊本乘訛愛。據漢舊儀改。

物候門有情樹注。頓遜國有樹花如牡丹。種有雌雄。必二種並種乃生。刊本頓遜二字互倒。據梁書及酉陽雜俎改。

卷二十三

雜紀門。期蘆。注。與子期甫蘆之疏。刊本重衍一之字。據越絕書刪。
日反三舍。注。魯陽公與韓構難。戰酣日暮。援戈而撝之。刊本構訛。據淮南子改。

卷二十四

時刻令。天道門。九州七舍。注。至於淵隅。是謂高春。刊本隅訛。虞檢淮南子亦誤。今據初學記改。
日行異名。注。日初出曰明。將暮曰薄暮。案初學記引纂要。明作旭。將暮作將落。與埤雅異。又日溫曰煦。刊本溫訛。午據埤雅及初學記改。

政典門。蓮花漏。注。銅鳥引水而下。注。金蓮浮箭而上。登。刊本下注訛。下汪。據玉海改。
物候門。古鏡。注。洞天清祿集。案格致叢書。唐宋叢書有宋趙希鵠洞天清錄。此祿字誤。
雜紀門。朝衙夕坐。注。蘇軾杞菊賦。刊本杞作枸。據本集改。

三輔黃圖 不著撰人名氏

三輔沿革條。董翳爲翟王。都高奴。刊本翳訛醫。據史記改。

卷二

長安九市條。廓開九市。通闐帶闔。旗亭五重。俯察百隧。刊本廓訛郭。五重訛重立。並據文選改。

長安八街九陌條。參塗夷庭。街衢相經。刊本衢訛街。據文選及賦彙改。

卷三

漢宮條。桮詣天梁。奇寶鼓簧等宮。刊本複衍天字。據漢書刪。

卷四

甘泉宮條。武帝披其手。得玉鈎而手展。刊本披訛及。據列仙傳及西京雜記改。

池沼條。天子遣使求身毒國市竹。注。從東南身毒國可數千里。得蜀賈人市利。刊本南訛來。又時粵欲與漢用船戰。逐。刊本粵訛越。漢訛漠。並據漢書改。

卷五

太液池中起三山。注。于地下爲機板。以測昏明。刊本板訛是。測訛則。又蓬萊山。亦名防丘。亦名雲來。刊本來訛東。又方丈之山。一名鬱雉。刊本雉訛維。並據博物志及拾遺記改。

明堂條。漢武帝造明堂。注。明堂中有一殿。刊本一訛四。據漢書郊祀志改。

社稷條。元始四年。始立官稷。注。器成匏勺。貴誠因質。刊本誠訛賤。又甘泉太陰。刊本陰訛陽。又在易

泰卦刊本在易訛正月並據後漢書改。

觀注漢博士劉熙釋名曰觀觀也刊本熙訛熹據書錄解題及文獻通考改。

淳熙三山志 宋梁克家撰

卷二

榮親里注知溫州永嘉縣原本溫訛濕今改。

卷八

城隍廟注西漢御史大夫周苛也原本苛訛昔據史記改。

卷十

壑田注沈存中筆談原本中訛申今改。

卷十一

官莊田注於以資助經費原本資訛攻今改。

卷二十一

唐循中注福州先有泉山府兵原本兵訛共據唐書改。

卷三十五

靈峰院注。潮落海門高。原本脫海字。據陳襄集增。

卷三十六

黃蘗寺注。閩雲連越邊。原本閩訛關。據江淹詩改。

閒居院鳥窠岩注。初鳥窠遊餘杭。巢木杪而居。原本杭訛侍。又脫木字。並據高僧傳改增。

卷四十

祈年注。皆嚴潔廳字。原本廳訛斥。今改。

卷四十二

鴉注。方言謂之訓狐。原本訓狐訛狐猿。據昌黎集改。

四庫全書考證卷四十

史部

吳郡志

雍錄

赤城志

至元嘉禾志

武功縣志

滇略

歷代帝王宅京記

水經注釋

水經注釋附錄

水經注箋刊誤

河防一覽

三吳水州錄

沿河奏績書

行水金鑑

海塘錄

西湖遊覽志

西湖遊覽志餘

西湖志纂

洞霄圖志

汴京遺蹟志

武林梵志

江城名蹟

關中勝蹟圖志

桂林風土記

東京夢華錄

六朝事蹟編類

夢梁錄
歲華紀麗譜
平江記事
益部談資
臺海使槎錄
眞臘風土記
東西洋考
赤雅
唐六典
翰苑羣書
宋宰輔編年錄
百官箴
土官底簿



吳郡志 宋范成大撰

卷一

分野條。唐一行所分星次。南斗在雲漢下流。刊本下訛之。又牽牛去南河浸遠。刊本去訛在。並據唐書改。

卷二

風俗條。吳趨行樂府解題。刊本解題二字互倒。今改。又木與金凡十有一事。刊本脫與字。據耒耜經增。又鑊表上利。壁形下圓。刊本下訛其。又次曰壓鑊。背有二孔。刊本孔訛乳。並據耒耜經改。又大凡結繩持綱者。總謂之網罟。網罟之流曰罔。刊本脫下網罟二字。據全唐詩注增。

卷三

城郭條。豈有天氣之數。以威鄰國者乎。刊本豈訛其。據吳越春秋改。又水門八以法地之八卦。案八卦。吳越春秋作八聰。與此異。又乃復有此吳城。注二月春風江上來。水晶波動碎樓臺。刊本風訛色。據全唐詩改。

卷八

古蹟條。願得生稻而食之。伏地而飲水焉。原本地訛北。據吳越春秋改。又悲早鴈于海風。嘯寒鷗於江

兩刊本寒訛高據全唐詩改。

館娃宮注舞袖朝欺陌上春歌聲夜怨江邊月刊本欺訛歡據全唐詩改。

卷十一

牧守條吳淵注都統司水軍封金陵郡侯進爵爲公刊本封金陵郡侯進爵爲公訛作宣城縣開四字據宋史改。

卷十二

官吏條陳名贊中允之奇之祖刊本闕中允二字據本書補。

祠廟條聖姑廟注樂至有聞時香來無定處刊本樂訛幾據全唐詩改。

卷十三

三高祠注時齊王問專權估已刊本脫問字又權訛朝又長風積兮波浪白蕩搖空明兮南北一色刊

本北訛極並據吳江縣志改。

卷十四

園亭條任晦園池注雖將祿代耕頗愛巾隨策刊本將訛得據全唐詩改。

卷十五

山澤條中包山有洞庭入地下潛行通琅邪東武山刊本脫山字據下文增又林屋館注片白作越分。

孤嵐爲吳宮。刊本越訛月。據全唐詩改。

卷十六

虎丘山注。雲涯一里千萬曲。直是漁翁行也。迷。刊本萬訛里。據全唐詩改。

卷十七

橋梁條。有亭曰垂虹。而世併以名橋。刊本闕世併二字。據吳縣志補。

卷十八

川條。太湖注。疎岑七十二。變變露寸戟。刊本變訛雙。又明月灣注。昔聞明月觀。祇傷荒野基。刊本聞訛開。又投龍潭注。鱗光煥水容。日色燒山翠。刊本燒訛曉。並據全唐詩改。又松江注。佛氏解爲銀色界。仙家多住玉華宮。刊本華訛壺。宮訛中。據文獻通考改。

卷二十

人物條。晏及弟景玄。機雲分領杭兵。刊本分訛外。又封都亭侯。後轉左虎林。刊本脫林字。並據三國志增。

卷二十九

土物條。太湖石注。此固上德之難名者矣。刊本名訛明。據賦彙改。

卷三十

綠橘注。風土所宜。今四方各異。刊本脫風字。又圓甚垂珠。琪樹方而孰可。刊本孰可訛向熟。又栽則

隔乎淮浦。生則主乎雲夢。刊本栽訛來。隔訛備。主訛阻。並據賦彙增改。

白芷注。觀一時之流恨。撫萬古之遺香。刊本撫訛撫。又蕙牽心而不定。飄若懸旌。刊本蕙訛黃。又酒

渡於子建。爲使花困於靈均。作媒。刊本酒訛波。並據賦彙改。

卷三十一

宮觀條。靈祐觀注。五更山蟬響。醒發如吹簾。刊本醒訛覺。據全唐詩改。

卷三十三

郭外寺條。雲巖寺注。紹興八年。余謫居零陵。刊本興訛熙。據朱子綱目改。

卷四十

仙事條。不知神丹之事。多作陰陽注之。刊本注訛失。據太平廣記改。

卷四十三

方技條。班斲其手。其月吳中大雨。刊本脫其月吳中大雨六字。又注。酉陽雜俎。刊本訛作朝野僉載。並

據太平廣記增改。

卷四十五

異聞條。數日檻前白蓮花。數榮殊異。俯而玩之。見花房中有物。細視。乃所贈玉環也。刊本脫日字。榮字。又

脫見字並據北夢瑣言增。

卷四十八

考證條。永建中。陽羨周嘉上書。刊本脫永字。據水經注增。

卷五十

雜志條。吳邊邑處女與楚之邊邑卑梁之女。刊本卑訛脾。據史記改。

雍錄 宋程大昌撰

卷一

三輔制條。京兆在故城南尙冠里。刊本脫尙字。據三輔黃圖及漢書百官表注增。又長安以東爲京

兆。以北爲左馮翊。案京兆下。漢書百官表注引三輔黃圖有長陵二字。此脫。

鎬條。武王成之。刊本武訛成。今改。

秦都世次條。文公居岐爲郾時。刊本公訛王。據史記改。

卷二

未央宮條。凌室武臺。刊本脫武臺二字。據吳瑄古今逸史本增。

東闕北闕條。是則以北闕爲正門。而又有東門東闕。刊本則訛似。又正門下衍矣字。又脫東門二字。並據

漢書高帝紀注改刪增。

公車司馬門條。宮衛令諸出入殿門公車司馬門者皆下。刊本出入上衍衛字。據漢書注刪。又省者察也。注。省本爲省察之省。刊本察上脫省字。今增。又凡從官給事宮司馬門中者。刊本宮訛官。據漢書改。

宣室條。上方受釐坐宣室。刊本脫坐字。據漢書增。

曲臺條。奏倚曲臺之宮。懸衡天下。刊本懸訛垂。又后倉說禮數萬言。刊本脫禮字。又在曲臺校書著記。刊本脫著字。又行禮射於曲臺。刊本禮射二字互倒。又漢官曰。刊本官訛書。並據漢書增改。

蘭臺條。御史中丞在殿中蘭臺。刊本臺訛殿。據漢書改。

總觀。又武帝令黃門畫者畫周公負成王圖以賜霍光。刊本脫畫者二字。據漢書增。

閣道甬道條。高紀六年。刊本六訛七。據漢書改。

甘泉宮條。北有甘泉谷口。刊本脫口字。據國策增。

明光宮條。卽王商之所指借欲以避暑者也。刊本王訛主。據漢書改。

卷三

柏梁臺條。元鼎二年。刊本二訛元。據漢書及三輔黃圖改。

回中宮條。遂北出蕭關。刊本脫北字。據漢書及三輔黃圖增。又回中在安定高平。刊本高平二字互倒。

案漢書安定郡有高平縣。至元魏改爲平高。應劭時無平高名也。今據改。宣政紫宸螭頭條。直第二螭首。刊本脫直字。據唐書增。

卷四

學士宜召條。學士院北扉者。爲其在浴堂之南。刊本脫者字。又爲其二字互倒。並據夢溪筆談增改。溫泉條。御湯谷。刊本谷訛各。今改。玉華宮條。在坊州宜君縣。刊本君訛春。據唐書改。

卷六

唐潼關條。曹大家賦亦曰。涉黃巷。以濟潼。案涉黃巷。以濟潼。係潘岳西京賦句。程氏屬之曹大家。誤。又黃巷。水經注作黃卷。此從顏師古匡謬正俗之說。

長水條。文帝出長門。若見五人於道北。刊本長門下衍亭字。又脫北字。並據漢書刪增。又則雖司馬遷亦誤認長門亭而爲長安城門矣。刊本而訛何。據古今逸史改。

卷七

蓮勺條。常困於蓮勺。鹵中。刊本脫鹵中二字。據漢書增。

卷八

待從條。大駕則公卿奉引。刊本脫大駕二字。據蔡邕獨斷增。

卷九

上林驪境條。籍自阿城以南。刊本籍訛截。據漢書改。

卷十

成毀徙移條。列坐於東都司馬門外。刊本馬訛徙。據魏志改。
慈恩寺條。李肇著國史補。刊本補訛譜。據唐書改。

赤城志 宋陳耆卿撰

卷一

地理門。叙州條。永和三年。析縣之東甌鄉置永寧縣。刊本和訛建。三訛四。並據後漢書郡國志改。又廣
德元年。刊本廣訛至。據新唐書地理志改。

臨海條。吳太平中。析章安置臨海縣。刊本平訛元。據三國志改。

卷三

天台。注孤吟疎雨夜。案夜。全唐詩作絕。又相期在暮年。刊本相訛來。據全唐詩改。

卷七

公麻門。杜瀆鹽場。注。總計四萬三千六百石。刊本六百下衍八十二字。據上文刪。

卷八

秩官門。前漢高帝五年立閩粵王無諸。刊本五訛三。據漢書改。

晉朱泚注。安帝永興元年。以太守歸案。永興係惠帝年號。此云安帝。當是元興之誤。但朱泚不見正史。無從核實。姑仍其舊。

卷十

詔諸州各置通判。注。崇寧三年行三舍。刊本寧訛德。據宋史改。

卷十九

山水門。大固山條。刺史卒景於此。鑿塹守之。案卒景。明一統志作卒景休。與此異。蓋竹出條。又有丹鳳樓。注。桐花遠近澹無色。刊本色訛思。據宋詩紀事改。

卷二十一

玉峴山。刊本玉訛五。據明一統志改。

卷二十二

天台山。注。濟楸溪而直進。刊本榷訛猶。據文選改。

瓊臺雙闕條。瓊臺中天而危居。案危。文選作懸。

紫溪洞條。唐寶應元年。刊本應訛元。據唐書改。

卷二十四

永寧江條。謝靈運注。攀若履長洲。刊本若訛荇。據楚辭及百三名家改。

卷二十五

蛤裏溪條。南流三十里入大溪。刊本流訛至。據上文改。

卷二十八

寺觀門。景德國清寺注。野色人耕破。刊本破訛硬。據全唐詩改。

卷三十二

人物門。齊呂文顯。刊本齊訛宋。據南史改。

卷三十四

乾道二年。蔡必勝榜。刊本乾訛朝。據宋史改。

綦崇禮注。北海人。案北海。明一統志作維州。與此異。

唐王遠知注。光宅中。刊本宅訛定。據唐書改。

卷三十六

風土門。櫻桃注。一名鶯桃。刊本鶯訛櫻。今改。

鰈注。魚去乙。刊本去訛云。據禮記改。

卷三十七

和鄭閔中僊居詩。其三。訟獄積年生。注。姦豪有以債負憑折細民田土者。刊本債負訛積習。又三年分戶二千。刊本脫三字。並據古靈集改增。

卷三十九

紀遺門。孫恩城條。安帝隆安四年。賊孫恩陷會稽。元興元年。臨海太守辛景擊斬之。刊本四訛二元興元年。訛隆安七年。並據晉書改。

卷四十

辨誤門。唐地理志條。故寧海。剡自西晉。刊本西訛東。今改。黃巖古之永寧縣。注。方山舊曰永寧山。刊本上山字。訛在永字下。據永寧山志改。

至元嘉禾志 元徐碩撰

卷三十六

沙門妙寧崇福寺記。且為殿以居之下。及庖庫。原本下訛不。今改。教授陸峻崇福田記。無尺地寸壤之不耕矣。原本尺訛天。今改。

卷二十七

蘇軾題招提院靜照堂。此語子爲誰。原本脫子字。據東坡集增。

卷二十八

陸機贈從兄車騎。彷彿谷水陽。原本水訛山。據文選改。

卷二十九

李行中醉眠亭寄韓憲仲。玉柱劉又詩未獻。案劉又有冰柱雪車詩。此作玉柱。誤。

李常醉眠亭。苔痕剝蝕誰與局。原本局訛扁。今改。

卷三十一

蘇軾本覺文長老方丈。我除搜句百無功。原本搜訛投。據東坡集改。

武功縣志 明康海撰

原序。王烈之政亦行太原。刊本王訛陳。據後漢書改。

卷二

李愷條。祿山陷東京。蔣清害之。案唐書愷爲東京留守。安祿山陷東京。執愷及官屬蔣清害之。非愷爲蔣清所害也。此節抄訛。

卷三

蔣師雄條爲儀州司戶參軍德順軍判官刊本德順二字互倒據宋史改。

滇略 明謝肇淛撰

卷一

曲靖軍民府條唐曰曲州靖州蒙氏爲石城郡刊本脫城字據元史增。

武定軍民府條元改武定路刊本路訛部據元史改。

麗江軍民府條寶山州注漢邪龍縣境刊本邪訛寶據文獻通考改。

全省封疆條縣二十有四曰滇池雙柏同勞銅瀨連然俞元收靡刊本銅瀨訛同賴連然訛速默又收訛收並據漢書改。

卷三

赤藤條妍詞麗句不可繼見寄聊且慰分司刊本慰訛遇據昌黎集改。

卷五

傅友德條遂略激江臨安諸郡刊本安訛江據明史地理志改。

文苑條姚安守李贊刊本李下行載字據明史刪。

卷六

漢盛鑿字長通。葉榆人也。刊本葉訛樸。據漢書地理志改。

卷七

徽宗崇寧二年。求經籍。得六十九家以歸。注。三史加注。刊本加訛家。據文獻通考改。

卷八

元稹賀南詔獻地圖。土貢詩。漏天走馬。春雨寒。瀘水飛蛇。瘴烟重。刊本蛇訛地。據全唐詩改。

楊士雲蒼洱圖說。蓋與臨安之西湖。刊本臨安訛海臨。又齊安之臨臯。刊本齊訛濟。並據方輿紀要改。

卷九

蒙氏建國設官條。久贊。刊本久訛九。又大軍將。刊本軍將二字互倒。又琮爽。注。主戶籍。刊本戶籍二

字互倒。又自曹長以降。刊本曹訛常。又凡兵出以望。直蠻前驅。刊本凡訛民。並據唐書改。

鄭買嗣條。唐昭宗光化五年。案綱目光化元年戊午。至三年庚申後。改天復元年。此云五年。誤。

歷代帝王宅。京記。崑山顧炎武撰

卷一

河。亶甲居相。注。項羽與章邯期洹水南。殷虛上。刊本洹訛漁。據史記改。

秦孝公條。德公居雍。注。岐州雍縣南七里。故雍城。刊本脫南七里三字。據史記正義增。

漢高帝條。國人爭隨之。刊本國訛周。據史記改。
元魏條。登平城西山。刊本城訛地。據魏書改。

卷二

高祖太和十九年條。自發都至于洛陽。刊本自訛曰。據魏書改。

卷三

秦始皇條。諸廟及章臺上林皆在渭南。刊本脫在字。據始皇本紀增。

卷四

長安城條。跨渭水。通茂陵。刊本陵訛林。據漢書注改。

卷五

長樂宮注。在長安縣北。刊本脫長字。據史記注增。

未央宮條。廣明椒房清涼。刊本涼訛京。據漢書注改。

卷六

琳池條。昭帝始元元年。穿廣七步。刊本始元二字互倒。據漢書改。

武庫注。嘗請考工地益宅。刊本工訛上。據史記改。

卷八

周地條。初雒邑與宗周通封畿。刊本脫初雒邑與宗周六字。據漢書地理志增。

卷十三

後魏孝靜帝條。天平元年。刊本脫平字。據魏書增。

卷十四

陳後主條。起臨春。結綺。望仙三閣。刊本春訛香。據陳書改。

卷十七

宋大內宮室條。崇徽殿北有欽明殿。刊本脫北字。又萬歲山艮嶽。注。此中有堂曰蓬壺。刊本池訛流。並

據宋史增改。

水經注釋 仁和趙一清撰

卷二

河水。又東過金城條。謂之養女川。注。長寧亭北有養女嶺。卽浩媿之西。案浩媿之西。永樂大典本作浩媿山。與此異。

卷三

又南過赤城東。注。此東赤城也。原本赤訛城。據下文改。

卷九

清水出河南修武縣條。在共縣故城西。注。逍遙于共山之上。原本缺逍字。據別本補。

卷十一

易水。東過范陽縣南條。其一水東出金臺陂。注。今都城及定興安肅皆有黃金臺。原本黃訛屋。據一統志改。

卷十四

沽河。從塞外來條。世謂之橫水。又謂之陽曲河。原本水訛木。河訛阿。今並改。

濡水。東南過遼西條。其水南入五渡塘。注。仲初言在南。非也。原本仲訛在。據下文改。

卷十五

伊水。又東北流注于洛水。注。鯢魚聲如小兒。原本鯢訛鮑。據廣志改。

卷十六

穀水。又逕白超壘南。注。左右有山夾立。原本夾立訛泱至。據戴延之西征記改。

卷十九

渭水條。霸水。又北逕枳道。注。白蛾。原本蛾訛娥。據漢書改。

卷三十一

濯水出汝南吳房縣西北奧山。原本奧訛粵。據別本改。

卷三十六

若水又東北至犍爲。注行者扳緣牽援繩索。原本脫索字。據別本增。

水經注釋附錄 仁和趙一清撰

卷上

唐人地理之學條。漢武帝太初四年。原本初訛祖。據漢晉地理志改。

卷下

歐陽玄補正水經序。其詳於趙代間水。原本代訛氏。據元文類改。

水經注箋刊誤 仁和趙一清撰

卷一

河水石門水南注之。原本脫南字。據水經注增。

卷二

建議將軍朱祐案議。後漢書作義。祐作祐。

卷四

淇水。又東逕章武縣之故城。原本闕東字。據水經注補。

卷五

易水。昔燕丹納田生之言。原本脫丹字。據水經注增。

巨馬水。案語。水玉磊柯。原本玉訛石。據文選改。

灤水。案語。本名他惡。原本他惡訛惡地。據魏書改。

鮑丘水。案語。圖壤隄遏。原本隄訛提。據三國志改。

卷七

渭水。條將軍金梁城等。原本城訛成。據舊本水經注改。

炎帝神農條。今三皇紀作女登。原本三訛王。據史記改。

卷八

漾水。案語。穆天子傳作春山。原本春訛春。今改。

洧水。條。鄭人者鄭是也。原本脫鄭字。據舊本水經注增。

卷九

澗水。又東逕武平縣故城。原本澗訛過。據水經注改。

汜水案語。晉書列傳是苟晞。原本苟訛苟。據晉書改。

卷十

泚水案語。故廖國也。原本廖訛蓼。據漢書地理志改。
淮水。又東。青陂水注之。原本水訛上。據水經注改。

卷十一

遣潁陽侯蔡遵西擊鄧奉弟衆。原本侯訛俠。據水經注改。

卷十二

廬江水案語。湖水上承妖旱谿而下注浙江。原本下訛又。據水經注改。

河防一覽明潘季馴撰

卷五

河源考。西漢書西域傳刊本傳訛志。據漢書改。

卷九

高堰請勘疏。又據營田道僉事刊本營訛管。據明史改。

卷十

申明修守事宜疏景祐三年刊本闕祐三二字據宋史補

卷十一

河工告成疏則資汝泗刊本泗訛湖據明史改

三吳水利錄 明歸有光撰

卷一

天下之利莫大于水田條又以上中下一易再易不易而去其半當有十八萬夫之田原本脫不易二字據周禮增

治河奏績書 總督河道兵部尙書靳輔撰

卷一

河決考故因其自然不塞隄也注禹劈二築以引河原本禹上行二築河東渠龍首渠也九字案河東龍首二渠乃漢時所鑿非大禹所斲之渠也今刪又一則溧川是也原本溧川訛溧州今改

行水金鑑 江南按察使傅澤洪撰

卷一 河水

禹貢導河積石條。後涼呂光刊本涼訛梁。據晉書改。

冰經又自河曲東逕西海郡南。刊本東字訛在自字上。據新校水經注改。

卷二

又南太羅水注之條。武州縣在善無城西南百五十里。刊本脫州城南三字。據水經注增。

卷三

東逕成臯大伾山下條。魯襄公二年。晉成公與諸侯會於戚。遂城虎牢。案春秋襄公二年。晉荀息會諸侯於戚。城虎牢以偪鄭。其時爲晉悼公。未嘗親與於會。公羊穀梁並同。此沿水經注之誤。

卷八

水經又東北逕元城縣條。史記曰。魏武侯公子元食邑於此。故縣氏焉。案此係漢書地志應劭注。非史記也。此誤引。

卷十二

在熙寧初。已主立堤。注。宋史河渠志。刊本河渠訛五行。據宋史改。

卷二十三

明世宗嘉靖十三年。導引汶水歸入正河。案汶。明史河渠志作漫。

卷二十九

神宗萬曆六年六月。寢開老黃河之議。刊本脫開字。據明史增。

卷三十七

二十三年。御史牛應元折衷其說。案牛。明史作黃。與此異。

卷四十三

三十五年五月。大雨電雷。刊本雷下衍兩字。今刪。

卷四十五

崇禎六年。然漕之於河。正猶舟之於水。刊本脫猶字。據明吳振纓疏增。

卷六十二 淮水

梁武帝天監十三年。假絢節都督淮上諸軍事。并護堰作役人及戰士。刊本脫役字。據梁書增。

卷七十

淮水又東過泗州南盱眙縣北。注汴泗交流郡城角。刊本泗訛水。據昌黎集改。

卷七十一 漢水

水經又東逕白馬條。故世號五斗米道。刊本脫道字。據水經注增。

卷七十二

又東逕木蘭塞南。刊本脫塞字。據水經注增。

卷七十三

又南得木里水會條。逕宜城東而東北入於沔。刊本脫而東北三字。據水經注增。

卷九十一 運河水

黑水西河惟雍州條。北流者入深江。刊本江訛工。據一統志改。

卷九十二

左傳吳城邗溝條。今廣陵邗江是。刊本邗訛輸。今改。

卷九十三

開封縣有湛渠條。引汴注白溝。刊本汴訛渠。據唐書地理志改。

卷九十五

張綸除江淮制置發運副使條。案李翺來南錄。刊本翺訛翔。今改。

卷九十七

宋哲宗元祐四年。是年冬。御史中丞梁燾上言。刊本闕中丞梁燾上言六字。據宋史河渠志補。

卷一百一

灤河源出金蓮川條。計用工三十六萬一千五十。案六元史河渠志作一。

澤沱河源出於西山條。真定縣澤沱河。刊本縣訛將。據元史河渠志改。

卷一百二

元憲宗五年。張柔會大帥於符離。注。元史憲宗本紀。刊本憲宗訛世祖。據元史改。

卷一百三

元世祖至元二十九年閏六月辛亥。刊本脫閏字。據元世祖本紀增。

仁宗延祐元年河北立二石。中間相離六十五尺。刊本尺訛丈。據元史河渠志改。

卷一百十二

明孝宗弘治十三年。每運一石約銀一錢。刊本運訛遇。據孝宗實錄改。

卷一百十四

世宗嘉靖十一年。於寶村單橋泊鎮。遡流窮源。俾水循澤沱。刊本泊訛淮。案淮鎮去澤沱甚遠。今據明史改。

卷一百十九

朱衡條。築馬家橋堤。以遏飛雲橋決口。刊本脫築字。據明史增。

卷一百三十二

崇禎十七年。賀王盛疏奏膠萊海運。注。中有馬家濠數里。案濠。明史河渠志作墩。

卷一百四十三

通州香河武清注。後魏置潞郡。刊本脫魏字。據一統志增。

卷一百五十九 兩河總說

漕河南盡瓜儀北通燕冀條。自清口通淮南至儀真瓜州者。淮河諸水也。案淮河諸水。明史河渠志作淮揚諸湖水也。與此異。

卷一百六十二

八月十二日從封丘西北行條。又逕東燕縣故城北是也。刊本逕東訛過南。據新校水經注改。

海塘錄 內閣中書翟均廉撰

卷九

宋楊村運鹽河條。不知泥滓中更益手足寒。原本知訛如手訛錢。據東坡集改。

卷十九

宋蘇軾乞相度開石門河狀。自龍山以東之江水益深。原本東訛外。據東坡集改。

卷二十二

宋俞安道海潮圖序。肇又謂月去日遠。原本去訛出。據淵鑑類函改。

卷二十三

唐陶翰乘潮至漁浦作樟亭忽已隱原本亭訛臺據全唐詩改。

西湖遊覽志明田汝成撰

卷三

南山勝蹟門學士橋條汝成爲之記刊本之訛倍據別本改。

卷八

北山勝蹟門菩提院條淡妝濃抹是吳姝刊本吳訛吾據太倉稊米集改。

望湖樓條未成小隱聊中隱刊本聊訛成。又我本無家更安往故鄉無此好湖山刊本往訛住湖訛江。

並據蘇詩改。

石函橋之北蔣梅莊園刊本莊訛岡據咸淳臨安志改。

卷九

棲霞洞條穹然如夏屋刊本穹訛窄據沈梅西湖志改。

卷十

元鄧文元詩憶我初年慕禪悅刊本禪悅訛蟬蛻據素履齋集改。

合澗橋條。一山門作兩山門。刊本上門字訛分。據長慶集改。

趙師秀冷泉夜坐詩。清靜非人世。刊本非訛無。據清苑齋集改。

卷十二

南山城內勝蹟門。玄妙觀條。一龕香火領宮祠。刊本香訛烟。今改。

卷十六

南山分派城內勝蹟門。鄴侯祠條。李泌字長源。刊本字訛守。據唐書改。

三太傅祠條。風神秀徹當不減王東海。刊本闕王字。據晉書補。

卷十九

南山分派城外勝蹟門。鐵幢浦條。安撫趙與簾作亭覆幢。刊本簾訛葢。據宋史改。

卷二十

北山分派城內勝蹟門。吉祥寺條。千枝萬葉巧剪裁。刊本巧剪訛爭巧。據蘇詩改。

卷三十三

北山分派城外勝蹟門。南京戶部分司條。國初差御史監三閘。刊本三訛生。據西湖圖說改。

西湖遊覽志餘 明田汝成撰

卷一

帝王都會門。錢塘之名條。錢古錢姓。刊本錢訛錢。據姓苑改。

卷二

高宗漁父詞。水涵微雨湛虛明。刊本兩訛影。據江行雜錄改。

卷三

偏安逸豫門。都市條。坐中嬉笑覺春溫。刊本覺訛笑。據白石集改。

卷五

佞倖盤荒門。似道臥治湖山條。處處幽風葵棗。刊本脫一處字。據齊東野語增。

卷八

賢達高風門。褚遂良條。得雄者霸。文公遂雄諸侯。刊本遂雄諸侯訛得雄而霸。據史記及唐書改。

卷十

才情雅致門。元白之在當時條。暫合登臨不合居。刊本暫合訛暫仕。據全唐詩改。又浙右稱雄鎮。刊本

右訛西。據長慶集改。

卷十一

張光弼條。爲行省左司員外。刊本左下衍右字。據元史刪。

卷十三

張靖之遊寶所塔詩。其四。荷衣早已退朝班。刊本衣訛花。據方洲集改。

卷十四

方外玄踪門。駱賓王靈隱寺詩。冰輕葉未凋。刊本未訛互。據全唐詩改。

卷十六

香奩豔語門。鄭文妻憶秦娥詞。一勾羅襪行花陰。行花陰。刊本脫下行花陰三字。據古杭雜記及詞譜增。
蘇小娟條。汝誘商人官絹百匹。刊本絹訛匹。又盡以所寄物與之。刊本脫與字。並據武林紀事改增。

卷十七

藝文賞鑒門。高季迪題黃大癡天池石壁圖。荒竹滿野啼猩猩。刊本狸訛猩。據缶鳴集改。

卷十九

術技名家門。耿聽聲條。時郭棣爲殿帥。刊本棣訛遠。據癸辛雜記改。

卷二十一

委巷叢談門。沙河條。蓋亦杜樊川尋春較遲之慨也。刊本遲訛遊。據樊川集及本事詩改。
杭州府志條。方勺泊宅編。刊本勺訛勻。據書錄解題改。

卷二十三

思陵時菊夫人條。頗以不獲際幸爲恨。刊本脫幸字。據齊東野語增。

卷二十四

慶元初。京兆趙師舜。刊本師訛思。據宋史改。

西湖志纂 大學士梁詩正等撰

卷四

南山勝蹟。錢王祠忠遜王侁。原本侁訛琮。據五代史及十國春秋改。

卷十二

錢塘湖春行。淺草纔能沒馬蹄。原本纔訛猶。據白香山集改。

洞霄圖志 宋鄧牧撰

卷二

丹泉條。亭曰清音。取左太冲山水有清音之句。原本山水二字互倒。據文選改。

卷五

靈曜郭真君條。人皆有六親相娛。先生棄之何樂。原本娛訛容。又思由憶生。不憶故無情。原本思訛情。

並據晉書改。

汴京遺蹟志明李濂撰

卷四

艮岳壽山徽宗記。略水出石口。噴薄飛注如獸。而名之曰由龍淵。案宋史地理志。艮嶽有白龍汴。無由龍淵之名。附識。又東出爲鴈池。刊本鴈訛研。又有勝筠庵。刊本筠訛雲。並據宋史改。

卷七

蔡河條。洪武三十二年。黃河泛溢。而河及閘俱被湮廢。案明史河渠志。此係三十年事。

卷八

宮。葉少蘊石林燕語。凡行九宮四十五年一易。刊本九訛五。據宋史改。

卷九

李駙馬墓。石林燕語。曹沂王宅。高懷德舊第也。刊本高訛許。據宋史改。

卷十五

呂原揚州門新造石牐記。汴梁。元河南行省治所。刊本元訛宋。據一統志改。

卷二十

周邦彥汴都賦。桓子受齊樂而輟朝。刊本子訛公。今改。

武林梵志 明吳之鯨撰

卷一

大中祥符律寺條。上元觀燈詩。據上元。東坡集作九曲。又寶珠穿蟻鬧連宵。原本寶訛玉。宵訛朝。並據東坡詩改。

千頃廣化院條。清露未晞電已徂。原本徂訛驅。又草書非學聊自娛。原本非訛須。並據東坡集改。

卷二

雷峯塔條。創窳塔坡於西河之澚以奉安之。原本脫塔字。今增。

法相寺條。宋翰林侍講范楷所撰記也。原本范訛沈。據前文改。

淨心院條。東坡水樂洞詩。案洞。東坡集作亭。又節奏未成君獨喜。原本節訛聲。據東坡集改。延恩行慶寺條。謁辨才於潮音堂。明日乃還。原本脫於字。又音訛室。並據秦少游題名記增改。

卷四

安隱寺條。烹茗僧持甌泛雪。原本持訛詩。據東坡集改。

卷五

寶雲寺條。寶雲樓閣闢千門。原本門訛間。據東坡集改。

下天竺寺條。傳言茲山產玉。原本產訛廉。今改。

上天竺寺條。神光出寶髻。法雨洗浮埃。案埃下。東坡集尙有想見南北山。花發前後臺十字。原本脫。

卷六

慈修護聖禪寺條。欲繼江湖韻。原本潮訛湖。據東坡集改。

永寧寺條。萬竿瘦玉擁寒碧。原本竿訛軒。今改。

淨土禪寺條。落日岸葛巾。晚風吹羽扇。原本岸訛映。羽訛林。並據東坡集改。

玲瓏山大雄殿條。翠浪舞翻紅繡楹。原本浪訛黛。據東坡集改。

卷八

駱賓王條。霜薄花更發。冰輕葉未彫。案彫下。別本尙有夙齡尙退異。披對滌煩囂十字。原本脫。

蘇軾條。山色豈非清淨身。原本山訛田。據東坡集改。

張翥條。有徑山二十三題。原本徑訛衡。今改。

卷九

石田禪師條。淳祐甲辰三月望。原本淳訛淨。據宋史改。

卷十

隋觀法師條類高多知原本類訛權今改

宋僧統贊寧法師條習南山律宗原本山訛出今改

宋龍華真覺大師條晉天福十二年丁未閏七月案五代史漢高祖卽位稱天福十二年其時未有國號或仍繫之以晉亦未可知逮本年六月戊辰改國號曰漢則自六月以至閏七月稱漢已久此仍加晉號誤

卷十一

唐錢塘永福釋慧林原本唐訛宋又相繼爲邦伯原本爲訛九今並改

卷十二

南湖條神祇上下實鑒臨之矣原本鑒訛金今改

江城名蹟 新建陳宏緒撰

卷一

南浦亭在橋步門外案橋步門外豫章記作府城廣順門外與此異

卷二

三湖九津曩者魚服蒙公恩救原本服訛腹今改

卷四

滕王閣。黑雲翻墨未遮山。原本翻訛堆。未訛半。又卷地風來忽吹散。望湖樓下水如天。原本卷訛幕。樓訛亭。如訛連。並據東坡集改。

關中勝蹟圖志 陝西巡撫畢沅撰

卷一

地理。後周武帝保定三年增置銀州。原本武訛明。據後周書改。

卷三

大川。龍洞渠。案語。廣德二年。原本二訛四。據唐書改。

卷四

古蹟。秦王殿條。晉太元十一年。苻堅將姚萇背堅起兵。原本太原十一年訛作泰安元年。又下堅字訛臣。並據晉書改。

卷十三

光國寺條。唐貞觀三十八年建。案新舊唐書。貞觀止二十三年。原本作三十八年。誤。

卷二十一

大川。廉水條。一名讓水。原本讓沿宋諱作遜。今改。

卷二十三

名山。孟門山條。呂氏春秋。案水經注引此作淮南子。

卷二十七

古蹟。漢甘泉宮條。南方之帝曰赤燠。案燠下。禮記注疏及漢書郊祀志俱有怒字。此脫。

卷三十

上古黃帝陵。案語與班酈所述爲合。原本酈訛酈。據上文改。

桂林風土記 唐莫休符撰

桂林條。始皇二十三年。發逋亡贅婿。賈人掠取陸梁之地。原本上三字訛二。又脫贅字。並據史記改增。
越亭條。副使路賈。原本貫訛單。據全唐詩改。又越亭初。成金貂有六十韻長詩。案此詩見全唐詩祇二十韻。此言六十韻。不知何據。附識。

東京夢華錄 宋孟元老撰

卷十

駕行儀衛條。千乘萬騎出宣德門。由景靈宮太廟。案宋史禮志載元豐六年。帝將親郊。薦享于景靈宮。齋于太廟。此書下條即言駕宿太廟。所載與史志合。則宮字下應有齋於二字。

駕詣郊壇行禮條。壇上設二黃梅。位北面。南曰昊天上帝。東南面曰太祖皇帝。案宋史禮志。昊天上帝位。于壇上。席以麤稻。太祖位於壇上。席以蒲越。此云設黃梅。與史志異。

六朝事蹟編類 宋張敦頤撰

卷上

東晉恭帝元熙二年。原本二訛元。據晉書改。

梁總叙。天監中有州二十有三。原本脫三字。據隋書地理志增。

六朝郡國條。建安之間。初置郡九。注梓潼。江陽。汶山。漢嘉。原本陽訛滄。汶訛江。據晉書地理志改。

夢梁錄 宋吳自牧撰

卷五

王輅儀式條。革輅輓之以革而漆之。原本而下衍飾字。據周禮注刪。

駕宿明堂條。凡禋祀五帝。實鑊水。原本脫鑊字。據周禮增。

卷十五

歷代方外僧條。飯以玉粒粳。調之甘露漿。原本粳訛羹。據廬陵集改。

卷十八

花之品條。凌晨併作新穉回。原本併訛佛。據昌黎集改。

卷十九

園圍條。五品並令陪宴射。四鑊端欲序賓賢。原本鑊訛璇。據毛詩改。

歲華紀麗譜 元費著撰

上元節放燈條。蜀王孟昶時。間有放燈。原本脫昶字。據說郭增。

平江記事 元高德基撰

太伯廟舊在閶門外。錢俶移置門內。案俶。一統志作鏗。

虎丘石井泉。味極清冽。刊本脫石字。據一統志增。

吳俗。夏至前半月爲梅雨。刊本脫雨字。據周處風土記增。

益部談資 明何字度撰

卷上

出師表。滇蜀之交。原本滇訛。滇據滇程記改。

卷中

蜀箋曰。麥光曰。貢餘。原本麥訛表。據費著蜀箋譜改。

臺海使槎錄 常鎮揚通道黃叔澱撰

卷六

稗海紀遊。墳首瘠體。貌不類人。刊本墳訛。黃據稗海改。

眞臘風土記 元周達觀撰

三教條。八思惟正。如常人打布之外。但于頭上戴一紅布。原本脫人字。據說郛本增。
人物條。常有招徠唐人之意。原本有訛大。據說郛本改。
正朔時序條。挨藍者舞也。原本舞訛。據說郛本改。

草木條。至若桃李杏梅松柏杉檜梨棗楊柳桂蘭菊蕊之類。皆所無也。原本脫松字。據說郛本增。
東西洋考 明張燮撰

卷三

大泥條。賜名長寧鎮國。刊本寧訛壽。據明史改。

卷七

陸餉條。血竭每百斤稅銀三錢。刊本竭訛碼。據明會典改。

赤雅 明鄺露撰

卷一

蜜卿條。朝盤見蜜卿。夜枕聞鶻鷄。原本枕訛枕。又闕聞字。並據蘇東坡集改補。

卷三

赤蟻條。遺卵如斗。山人取爲醬。是名蜺醢。原本醬訛醫。據周禮改。

唐六典 唐張九齡等撰

卷一

三公條太尉一人注太尉秦官應劭曰自上安下曰尉刊本秦訛春自訛負並據漢書改

卷二

吏部條凡中外百官之事由于所屬皆質正焉刊本脫中字據唐書增

卷三

戶部條戶部尙書一人注顯慶元年改爲度支刊本顯訛明據唐書改

卷四

禮部條每寺上座一人注當周莊王十年魯莊公七年夏四月恆星不見刊本十訛九公訛王並據春秋改

卷五

兵部條兵部尙書一人注龍朔二年改爲司戎刊本二訛元戎訛馬據唐書改
員外郎一人注隋明開皇六年置刊本皇訛元今改

卷十

秘書省條秘書省監一人注小史掌邦國之志定繫世刊本世訛伐據周禮改

卷十六

宗正寺條。丞一人。注。皇朝置一人。從六品上。刊本六訛七。上訛下。并據唐書改。

卷十七

太僕寺條。太僕寺卿一人。注。成帝咸和七年。刊本咸訛永。據晉書改。

大理寺條。評事十二人。注。至後漢光武省右平。惟置左平。刊本省訛有。據通典改。

卷二十六

太子詹事府條。詹事一人。注。武帝咸寧初。用黃門侍郎楊琰爲詹事。刊本寧訛享。琰訛亨。并據晉書改。

翰苑羣書 宋洪遵編

卷四

韋執詣翰林院故事。詔勅文誥。悉由中書。原本脫中字。今增。

卷六

元和後二十四人條。令狐楚。注。自職方員外郎。知制誥。原本脫方字。今增。

宋宰輔編年錄 宋徐自明撰

卷二

太平興國七年竇偁條。偁父周諫議大夫禹鈞。刊本鈞訛錫。據宋史改。

至道二年寇準罷參知政事條。廣州左通判。刊本左字訛在通判下。今改。

卷三

三年夏侯嶠條。嶠在藩府最舊。刊本舊訛密。據通鑑長編改。

咸平三年向敏中條。始營故相之第。刊本第訛弟。今改。

卷四

明道元年薛奎條。章獻謁太廟。欲被天子袞冕。刊本袞訛黻。據宋史本紀及名臣言行錄改。

景祐四年。同日王隨陳堯佐並拜相。注。隨自吏部侍郎知樞密院事。刊本脫史字。據通鑑長編增。

寶元元年張士遜條。除山南東道節度使。刊本東道二字互倒。據宋史改。

二年張觀條。帝初諭中書。刊本諭訛論。據宋史改。又張觀先朝狀元。合用觀也。刊本合訛會。又翰林

學士李淑。刊本脫士字。並據長編改增。

卷五

慶歷二年范仲淹參知政事條。張昱之。刊本昱訛昌。據宋史及長編改。

皇祐三年宋庠條。至再三上表。刊本上訛再。今改。

至和二年陳執中罷相。注。充鎮海軍節度使。刊本軍訛庫。今改。

卷八

元豐五年王安禮條。王安禮以穉德守尙書右丞。刊本右訛左。據上文改。又注。門下中書省有侍郎。刊本省訛自。據宋史職官志改。

卷九

八年司馬光條。詔邇英讀其書。刊本脫其字。據宋名臣言行錄增。元祐元年韓縝罷右僕射。刊本韓訛諱。今改。

卷十

五年王巖叟注。知開封府簽書樞密直學士。除。刊本知訛如。簽訛遷。並據宋史改。傅堯俞條。謚獻簡。刊本獻訛憲。據宋史並名臣言行錄改。紹聖二年蘇轍條。使詆先朝。刊本詆訛見。今改。

卷十一

元符三年韓宋彥條。陛下視在廷之臣有可進擢者。刊本脫臣字。據長編增。靖國元年范純仁條。每諸子怨章惇。純仁必怒止之。刊本脫惇字。據通鑑綱目增。

卷十二

政和七年鄭居中條。居中入相起復。刊本中訛正。今改。

卷十四

建炎四年呂頤浩條。毋云去位不我告猷。注汪藻詞。刊本汪訛江。據宋史改。

卷十五

紹興五年張浚條。其後歲收數十萬。刊本後歲二字互倒。今改。又命楊沂中領精兵。刊本沂下衍在字。據宋史刪。

八年趙鼎罷左相條。請罷中丞王次翁。刊本次訛汝。據宋史改。

卷二十

慶元元年趙汝愚罷右丞相條。乞寢左丞相趙汝愚福州之命。刊本福訛唐。今改。開禧元年張巖知樞密院事條。單于之朝正日。刊本于訛於。今改。嘉定二年樓鑰參知政事。刊本鑰下衍罷字。據宋宰輔表刪。

百官箴 宋許月卿撰

卷二

太玄經條。夫牽于車。妻爲剝茶。刊本茶訛茶。據太玄經改。

卷五

文思院箴。丹桓宮楹。刊本桓下衍注威字。今刪。

土官底簿 不著撰人名氏

卷上

蒲陀崆巡檢司巡檢楊順。大理府太和縣人。原本脫人字。今增。
順州同知。原本順訛縣。據後文改。

